



Inatsisartunut ilaasortat Siverth K. Heilmann aamma Gerhardt Petersen, Atassut
/maani

Svar til § 37, stk. 1 spørgsmål nr. 129_GL

Inatsisartut suleriaasaanni § 37, imm. 1 naapertorlugu sinerissap qeqqarpasissuani qaammataasakkut nassitsissutitalinnik tutunuk nalunaaqutsersuisimaneq pillugu apeqquteqarsimavusi. Apeqquteqaat uannut akisassanngortinneqarsimavoq.

Apeqqut: Ukiorpaaluit matuma siorna sinerissap qeqqarpasissuani tutunuk arlalinnik qaammataasaq iluaqutigalugu malinnaavigineqarsinnaasunik nalunaaqutsiisoqarpoq, taakkulu qanoq malinnaavigineqarneri aammalu nalunaaqutserneqarnermik kingorna suli tamarmik atuunnersut matumuuna Naalakkersuisut qanoq paasissutissiisinaanersut apeqqutigissavarput?

Suliniut pineqartoq Pinngortitaleriffimmit ingerlanneqarsimavoq taamaattumillu Aalisarnermut, Piniarnermut Nunalerinermullu Naalakkersuisoqarfiup Pinngortitaleriffik akissuteqaammut ilassuteqarnissaanik qinnuvigisimavaa.

Maniitsup eqqaani Alcoap aluminiumik aatsitsivissamik pilersaarneranut atatillugu, sumiiffimmi pineqartumi pisuussutit uumassusillit pillugit ilisimasatigut amingaataasut qulaajarniarlugit avatangiisimik sunniisinaanermut nalilersuisoqarnerani, suliniummik aallartitsisoqarpoq tamaani (ilannugussa 1 takuuk) tutut 40-ut qaammataasakkut nassitsissutitalimmik qungasequsersorniarlugit.

Qungasequtit 2008-mi maajimi ikkussorneqarput. Sivikinnerpaamik ukiuni marlunni, akunnerup aappaani pingajuanniluunniit sumiissutsimik nassitsisartussanngorlugit suliaasimapput. Tamatuma kingorna nammineerlutik katattussiaasimallutik.

Qungasequtit qanoq nassitsikulasimatigisimaneri qanorlu atasinnaatigisimaneri nikerarsimavoq. Qungasequtit ikkunneqarnerannit qaammatit marluk qaangiunneranniit ukiut qaangiunnerannut paasissutissanik tigooraavigineqarsimapput. Kingullermik 2010-mi juulimi sumiiffimik atorsinnaasumik tiguisoqarpoq. Ullumikkut qungasequtit tamarmik atorunnaarsimapput tamarmillu katassimassallutik.

2008-mi piniarneq aallartimmat qungasequtit atuuttut 39-iusimapput. 2008-p ingerlanerani qungasequtit 10-it paasissutissanik atorsinnaasunik nassitsiortorunnaarsimapput, 2009-mi 14-iusimallutik 2010-milu sinneruttut 14-it nassitsiortorunnaarsimallutik. Pineqartut 22-it missaanni qungasequtit sumiiffimmit ataasiinnarmat sivilisuaamik (ukiup aappaata avinnera tikillugu) nassitsiortorsimapput, imatut paasillugu uninngasimallutik. Tamatumunnga nassuiaataasinnaavoq tutut toqusimasut, qungasequtit katassimasut imaluunniit tutut pisarineqarsimasut. Pineqartut sinnerini qanorpiq pisoqarsimaneq erseqqarinngilaq, pineqartulli marlussuit isigalugit pisarineqarsimaneri ilimanaateqarluni.


15-08-2013
Sags nr. 2013-087570
Dok. nr. 1306150

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Inussiarnersumik inuulluaqqusillunga
Med venlig hilsen

Karl Lyberth

Ilanngussaq 1.



Toorneeqqat takutippaat Nuup Kangerluani Maniitsullu sermiata eqqaani sumi tutunik
nalunaaqutsersuisoqarsimanera. Qalipaatit marluusut takutippaat qungasequtit
atorneqartut assigiinngitsuunerat.